

**ХАНТЫ-МАНСИЙСКИЙ ОКРУЖНОЙ ДОМ  
НАРОДНОГО ТВОРЧЕСТВА**

**А. ПЛЕШКОВ.**

# **Си си в от**

**(одноактная пьеса на мансиjsком языке)**

**г. Ханты-Мансийск  
1965 г.**



## **СИСИ ВОТ**

### **Тулыглап суылтаве акв матыр варнэ вармаль**

Ти тулыглап китит муйлупсал муйлуптавес. (ВЦСПС ос Союз писателит СССР. Всесоюзный конкурс олум порат рупотат ос рупитан мир урыл, ёмас тулыглап нэгылтан магыс.

Вит ватат, ёмас янит ма лагыт ломтыт, Охотский сярысь ватат олыс. Ёмас пал ерыт, сцена пал нупыл солвол сарай нэгли, акпал иснасэ нангки лап ратима, ос кол ала парт овланэ нангкегыт. Ворти пал нупыл, хайтуп овылт элын катер нангки. Хайтуп акв овлэ мир ѿсиэ зал нупыл нэгылтима, хайтуп нэгылтима, хайтуп кит палэ сэй ма, кит нупыл ёмас люлит ма лагитыг оли. Ма лагитыт хул пиннэ тоталыт ос пуськат унталимат.

Туп август этпос порат хотал ти унти. Нумын тулыт унти хоталын выгрыл келаимат. Хайтуп тапалыт сярысь кос, тит ат нангки, туп сярысь хумпыйт равпынэл, вот совгынгланэт ос халевыт ронгхсух сүйти.

Унсаҳ партовылых — РЫМ тотап тармыл унли, ти мус ольпынг послэн утыл пуськат посли, хул пиннэ сирыйл сёллитимат. Тав похатэт БОРЗОВ парсин сахил масхатим оли: Карыс, вангнынг консынг, систем вильтуп асампа хум.

### **Ёнгынэ махум**

Христина

Клавдия

Серафима

Степановна

Настя

Стриженая

Егор БОРЗОВ — хул силнэ хум,

Борис Нечай — матрос, корабльт луситан нас хум.

РЫМ — бригадир.

Ос хул базат рупитан нэт.

сараит хул солволтанэ нэт.

**БОРЗОВ.** Ти-тэм... Амба! Тав сакати аквман сёс лили тараталэгум. Такем луванум агвмалтасыт, катпаттанумлутанумыт пуссынг сүйтэгыт. (Ти мус катаге пасьрали). Тупакв вармалюв хультыс — олн вингкве эри! Ти вармальтай — ам сиумт оли: бухгалтер нелум потан унтыглалунгкве. Таринг тах рупотам ловинтапаве... Номтумыт олн коссэлтэгум! (Парсин сахи маглаге палынув ойтыгпас, унсах парт овылн хохса хартунгкве та поварттахтас). Нанг асюм ойка инг та посыт сартэгын?

**РЫМ.** Сартэгум, тинынг юрт хумум, хул сака алаве пиннэ кивыр сав эри.

**БОРЗОВ.** Тэм, тай хот сома ул потыртэн. Манасавит ти сарайт солволтаслув! Китит хоталамен тит улумтал кацыртасув. Ти-кос веритэгум, самагум акваг тув тагапангве воратэг. Сома ти хул яктлан пасын ватамын ти оявем, та оявем.

**РЫМ.** Мен номтананмент хум моляхтатимен кос вос астимен. Наинг хап ёхти талтунгкве эри, вос моляхнув хоталь тотовет.

**БОРЗОВ.** Тох, тох, нанг тит лекариг олэгын. Нан маныр наскасыг тит ольпыл нангкинан перыптэгын? На нгки рупатан нанг хунь пуссын варунгкве вермегын?

**РЫМ.** Лекарит холт хунь янитлавамен. Хул алислан мир янитлаве. Хулалисьпан хум кос воксыглаве, витн пармати, тослыгти, акв холт тавен ёмас! Хун алислан хум агмыл-ке емти, пусмалтангкве таве ат эри. Тэрпи патияг хул нёхлыл сартлапунгкве — холитан касалакент ёмынгти. Савитэ пыл та. Тувыл лекарь тит маныр рупитангкве пати? Рупата тал касамтаве, тэрпи патияг осынэ испирт юв аилангкве — ос мори каюкве.

**БОРЗОВ.** Аким ойка, нанг ануу мовинтэгын. Ам ос сунсэгум нанг рупотан хот оли? Пангк тал систем рупотан. Нанг та рупотаныл олн сэлтэгын, тан рупотаныл восрупитасын. Нанг матмын, эрн нанг молях пенсиян минэгын.

**РЫМ.** Ам пенсиян минэ янитыг хосат емтсум. Рупота мортасум хосат товлыс. Нанг хул алыглан мат касынг хотал рупитэгын. Нанг похант мот махманын рупитэгыт. Нанг номылматилын ти хотал ти рупотат олсын, холитан номылматэгын, манос матыр сир масьтырыл. Тит рупитан экват ос акв-та сирыл. Това нэныл хосат тагыл хул солвотим олэгыт, товат мот рупотал Усь-тыг патхатасыт. Ам ос аквта сирыл, китит рупотан ханисътахтэгум. Нанг хольтылын. Хулыглалсын тамле вармаль?

БОРЗОВ. Хулыгласлум — ам ос кос лавсаламен. Тав маныр сумпыг патосатыглангкве?

РЫМ. Ти урыл ам нангын хумус лавилум? Емас кос хунь элумхолас акв рупота ваг, аньман китит-ке ваг-та вен усьылнув ёмас — нув.

БОРЗОВ. Акинти аки-ойка нанг аньмут тара лавунгк ве эрыс.

РЫМ. Ам арыг олн хунь кос сэлтэгум. Ам тох олн латын рупота оньсегум. Мори ингыт тэлыглэгум кос.

БОРЗОВ. Хумус тох. Ман ос нагки нанг та янит вагыл ольпыл перыгтангкве та танхегын?

РЫМ. Ам ос арыг сав хоталь? Ануум товыл хати.

БОРЗОВ. Перыгтахтасын, та манарасын... Ам тот по-тыр ос оньсегүм! Ти хотел тамле вармаль олыс. Алпыл постыглан порат акв корабль луситан нас хум корабыльныл наг ёхтыс. Ти хультум тал акв охсатэ, — лави сярситт яласасум, яласамум сис, ам нила усьлахтын хотел ат усьлахтасум. Ань туывл номылматсум нан похан тыг ротмаламув сис, Лави пунгкхумныл вовхатасум: нан хулбазант та усьлахтын хотеланум тит нан ётын сакати акв ман хотел олэгум. Моторкал ам тыг паг төтвесум — эти-палаг мус кораблюв тит юв миннэт мус — сярасыт та сис хот гуляйтэгын? Ти мат—яныг сат грамм аюнгкве ро-ви, та юн палт нэ кинсим хайтэн. Тав акваг пыг хольт ма-схатам, сома нас хотум оли!

РЫМ. Интигог лававе. Сярысь-хум сяр хумп хольт оли.

БОРЗОВ. Ман ти базавт гуляйтан мат ат хонтыглэв. Аман-ма янитыл тамле ситам ма оли ман ати? Кон нема-тыр суйкве, яныг сат грамм тан ёвтнэ матэ-пыл ати. Нэтэ хумитэт пуссын рупотан войхатим олэв. Кон павыл янитыл хотел акв кит амп касалал, гын, хайнтнэныл, та хул со-юма тал паси, ёхтум — сярысь хум павыл янитыл та ёмум, ёмум. Нэмхотпа ат хонтам. Хул силнэ ман ёхтум, масну-танэ хот ангхвыгтам — бригадир нупыл лавнэт: «Касай маен сар, ам ос нан ётын рупитэгум»). Хул силнэ пасанн ватан люлюм касайл майм. Хулыт тун овлэл нэглалэгыт tot та силтали. Хотал палит, лавегыт, варум утэ та. Ру-питас олн ёмас вис, васыг маныр тавен эри?

РЫМ. Тав акв хурип хотпа хунь оли. Това симе ру-питангкве, нётумтангкве тангхи. Това нас ат ангкватали.

БОРЗОВ. Симе тангхи, манарыг нанг тамле утытыл ургалахтэн, тав нангын хот мус тыгыл хот ул восволкасап-тыстэ. Ам яныгмамум сис тамле сутальпи сунгыгласум.

РЫМ. Тав нанг аквен? Мат урын хунь паталавесын.

БОРЗОВ. Ам хуньм савын патум аким ойкам ханисьтальвесум. Тав колхоз счетводыт олыс хоталь олум рупота сома раньсинг хансингыг пахвтим пуссын вастэ. Тав овыл вармалет, тув ровне вармалет, сома алн такви сепын вос сялтыс! Колхозт ман сав сепын пинсын? Ловманкем тал ам тот мот мот рупотат та кос ханасъласум. Катын торынг сир мат нэматыр ат войласум, туыл сянюм ёт аниглахтасум. Тыг Камчаткан нас хосувалвесум.

РЫМ. Тав колхозт ма нос хот, пуссын мир государство магыс рупитэгыт. Номсыкемт — нэмхот люль ати.

БОРЗОВ. Ам государствол пори хунь кос хартэгум, ман ос рупотал хунь ойгалэгум. Мана савит рупитэгум, та савит ойтэн. Ам арыг урти хунь кинсэгум... Ам тыг касасясум-таи магыс, тит матэ олунгкве лосит, оlnэ касэ савнуве оли.

РЫМ. Оlnэ кас, олунгкве лосит... Но тав ос мана хурипа кас. Хотпа тыг тув хартыглаве ман ати? Рупота урыл тан тит маныр лавунгкве, рупота товылхати.

БОРЗОВ. Та урыл ти потыртэгүм. Тав ам ул янып-мам хурим тамле? Савынг хорпа хольт емтсум, рупитан ёр та кос оньсегум. Хул силталан ман хотмос тыг войхатасум амки пыл ат ваглум. Хул пуки палыг силаянгкве силаянгкве, ти ман рупота оньси? Ам номтумыт хот вос туп ханасъласум. Пунгк тотнэ махумыт сам тапелыт...

РЫМ. Тав нанг тох хуранялим тит касалавен.

БОРЗОВ. Пунгк махум ёт потыртангкве хасэгын, ат касалавен. Ёла нох ёмсяквег восьхайянын, бригадирал лутанылт, тан та савитыл пыл ти. Хотыл туыл вагал ам рупитэгум, манос нас ханасълэгум.

(Христина сялти. Нётнэ русь нэ, инг маньлат. Пунгкет мань пунгк тор сагим оли, войкан атупа нэ, ропал-али, резин сопогыл, потыртангкве пати сака суингысь потырти.

ХРИСТИНА. (Рым нупыл). Пася, Афанасий Никонович! (ёл люлис сярысь ляхт та сунси). Тувле сунсэн, Уральтэгын-а! Хумпыйт... Хумус равлегыт!

РЫМ. Алпыл пасыл нерыл енгхегыт. Христина Васильевна... Пася олэн! Ань тай тан суйталнув патугкве патсыт.

ХРИСТИНА. Ам нан ётын юиовыл хоталанумыт рупитэгум. Афонасий аким усьтэм олnum выглум, туыл сярысын минэгум. Амки номтум ляпан.

БОРЗОВ. Тав та сярысит ос маныр? Тот вит конипал нематыр ат касалэгын, сунсунгкве нематыр ати.

РЫМ. Ос тав палтылэ? Тосам мат ос кос элжхоласын олэгыт... Ман ос нанг та номылматасын?

ХРИСТИНА. Тав ам тит хонгхан пувавем? Ам тов лынг уй хольт олэгум. Тит яртим олэгум. Та сайт сака марсюмлавем. Сярысьнт, атыр хари торум, восьрам сярысь, хумпквет тоха та поварантэгыт, сома лильти...

БОРЗОВ. Сярыст лагыл пермиланын посунгкве ёмас. Витэ соловолынг, майтак ат эри.

ХРИСТИНА. (Тав нупылэ ёнгхыглас) А нанг эртам, хум нар! Хоталь оли э пумась хорамынг кас лагыл пермил тара сунсильн. Нанг палтилын минэ нэн тах, лагыл пермилыл олунгкве пати. Акв оли э сот мат хуритэ та хунь).

БОРЗОВ. Тувыл маныр? Ам ётумкве оли хунь уси.

ХРИСТИНА. Нанг ётынке... (тав ляльтэ сунси ти мус хот нув мовалас). Нангки маныр хансал тыг ёхтысын. Овлэт хул сарайн рупитангкве, тавмай наанг эртам пүнжийн агмыл емти, манах нак... Хумус олэгын ань ул кос номылын. (тис тим). Тав хум та... Торум ман торынг утытын олаве...

БОРЗОВ. Ам торум олунгкве хасэгум кос. (Нох люлис). Нанг хум анум ляпал сунсэлэн. Анум суснэн мағыс наажгыныл тыв хунь вовегум!

ХРЕСТИНА. Тэм хот элжин-нув такталахтэн... Ам амки пунгкум ти хотал агмынг, Нанг иксемнил элжин-нув хот олунгкве: (Сиси ёнгхыпас, сарай — ампар овыл нупыл хоталь та минас).

БОРЗОВ. Парыт пиньс! Ам эртам пунгкум агмын, ань такви пунгкве агмынгыг та емтыс. Кос суйтал минас ос хотмус лавнувев.

РЫМ. Олыглали... Суйтал патыглэв, суингыл емталэв.

БОРЗОВ. Ам экват ёт нанг сака ворилахтегум. Лагыл кос нэгглавем. Актох танжаныгн эрегум.

РЫМ. Нангки колныгыг емтуунгкве, семья оньсюнгкве ат номсэгын... Эрынг ос номсэгын?

БОРЗОВ. Тав инг ам хотмус тувле вармаль ати... Нанг тагыл ос хартатах тыглангкве эри. Няврамынгыг емтуун. Ам керум кастыл тох олунгкве номсэгум. Хоталь номылмата сум тувле инг лестилум!

РЫМ. Тох олиман акваг элаль та лоњхатэгын. Овлэт копейкал ань овылтаслын, элаль акваг мились сялти. Эти овылыт мори тэлыгласын. Та порат сяр нэмхочтюйни ляпан ат вивен.

**БОРЗОВ.** Нанг анум ул пилуптэлын. Тав асюм ойка ам тох хунь кос олэгум! Ань нанг рупот халы тэлиглим олэн. Ам овлэт тыг ёхтумум пасыл ти Христина кос самылтасум, луве нёвлет та хурип, так хурипа пос—экванэ халыг оли! Туп ам амкинам, тувиш ос нанг юв патсув оли ломтанум винаг аяласум. Тувиш маснутанум. Тувиш ос атнув артми .Тис хул салволтан агирись Кубанил оли ос там кос исынг хоринг—нуве, тостнэ хурипа оли. Аква сүкемт такви ам палтылум ворати. Ань номсэгум, овлет — тавеныйл нэ (счет) ловинтап овылтангкве, тувиш усь ти китит посан войхатыглангкве...

**РЫМ.** Тох, тох. Тамле ляхалыт. Нанг потранынг сяр морит! Аман ялмантимхурин тамле?

**БОРЗОВ.** Нанг ман номтын люль-а? Ат вермегын, хум порал арыгтасын. Ам сяр порат олэгум.

**РЫМ.** Маныр номылматасыт!.. Христина—тав мори су- тальпинг нэ атим. Тав нангынныл мот хурип элумхолас, ман хурипав веськат оли. Наскасыг тав сярысь вит алинг ат лававе.

**БОРЗОВ.** Маныр сир, аги лавегын?

**РЫМ.** Сярысь вит, лавегум. Сярысь витыт самын патыс, тот вит тармыл лаглаген ёмасас, хунь нанг хольтылын косам мат ёмасас, тав витыт корабль хури кивырыт олыс хонтлим порат тав асе фронтыт порсыс, Сяне полтахтас, агмын ёмтыс, та регет ос хоталь сялтыс. Тав акв там янит тагыл сянел хультыс. Тувиш сярсин корабыльт яласан хотпат савалап агирисе янмалтангкве войвес. Тот пуссын агирись ёмытангкве ханисьтавес. Та махум олупсал тамле ати, майхурипа олупсал нанг атян янмалтавесын. Тот акв хотпал хоталь вос пухтыс, тан пуссын акв сирыл тув лаквегыт. Хот тарытынг пуссын тув воратэнгыт. Тав номтэ, ос аквта махманэ хурипа паль ели палэт май сюртмил та оли. Та сирыл емтыс пайт похат курлэстын керэн сюртимтима.

**БОРЗОВ.** Хумус—кур лэстан керыл?

**РЫМ.** Тав хунь янгыг емтыс, атажкем тал юнгаг тан ётыл яласас. Тот каютат сёпитас, камбузыт тэнув варим олыс. Тав хунь агирисиг оли э порат, ти алва рупота конипал пуссын корабыльт рупотат ваганэ. Хунь тов ет эти сярысьп вотасынг емти, тав махумн нётунгкве та хайти. Тох хайтиматэаквмат сес тагмати, эти турманыг рагати ань такви кур лэстын керен палтитэ палыг та силяяве...

**БОРЗОВ.** Посынг пайтупа! Таи магыс ул хум тал та оли... Ам ос нанг тав пайтаге ляльт ат уральталэгум ул хот атыл лап туйтим оньситэ...

**РЫМ.** Нанг ос ти мори... Ти али палт нанг кем хум ат ёхтхати. Та кснипал тав ос та хурипа хум ньсяс. Туп хоса ат олсыг... Вит унлун сярысь, тав нанын акв хотал сёлынгыг варитэ, аквта сирыйл номт патам хотал овылын патигэ. Акв элумласув tot at порыс, сома сав мирув tot холас. Ань хоталь олнэ техникав та кос, ёр, та вармаль ингемтали. Тав хул бригатат олыс. Тав турапыг хотал, вотасыт хул тал юв ат ёхталасыг. Ёмас вит хул алас! Эсгүвес. Акв таквем тамле вармаль емтыс, сярысьт нянгра вотыт махманэ тав талэ юв ёхтысыйт, хумпын витыл хасумтима.

**БОРЗОВ.** Тав эква слнэтэ? Та сирыйлке тай кустыр, тав похатэн ровунгкве! Хунь рови, тснт ёхтэнгум...

**РЫМ** (ольпинг послэн утыл хосувлим). Нанг ти маныр... Нанг сумп люль хум! (сцена сис пелйт такысь хартиглын баян суй та сумылас. Баян ёнгаве, та ёт агит потыранэг, мовиттанэл сүйтэгыт. Мот пал сцена палыл сарай овылыл ос экват халанылт потыртим нэглэсийт, рупотал астум нэт, рупот маснатанылт инг олэгыт. Сцена нупыл Клавдия, Серафима, Настия, Степановна, Стриженая сс мотаныт сялтсыйт.

**СЕРАФИМА.** Робам ангхыслум — сома лов талум хот та воськасасум суйти. Такем рыгтыгловесум, тит ос асирма сли. Унтэв агит, вос сярысь вотын мось вотавев!

**СТРИЖЕНАЯ.** Хоталын ос вос потаравев, сома сэмлыг ам тай вос котаравем! Ма лагыт янитыл лаква та унтасыт лопысыйт, сопакам хот та ахвсал. (Клавдия Борзов похат унтыс, Борзов тан поханылын хони сорл повартахтас.

**НАСТАЯ.** (Унтме мус). Китрсягум солвалын котаравесын, сома саванын корпин хурипат. Тананын тара нангельн.

**СТРИЖЕНАЯ.** Коскеранув сяр восьрамыг хоталь емтсыйт. Ань, лавегыт эртам уст тамле нётнэ-хорам оли.

**НАСТАЯ.** Коскеранувын нэмэтийр нётнэ — хорам ат эри, вос усьлахтэгыт.

**СТЕПАНОВНА.** Нангын Настья, — ёмас. Ам катагум юн ос ат усьлахтэг. Ань юв ёхтэгум нявраманум маснуут посэгум. Тэнутыл варианум.

**СТРНЖЕНАЯ.** Ам олн алмаегум, катерн талматэгум — район уст минэгум. Тот кино, йикв оньсегыт. Саткем сис салм палум юв ат нэгылтэгум.

**СТЕПАНОВНА.** Мань махум нан та иквегын. Тит ат-панахкем тал ляпан ёхтысум, сисум лут пуссын агмыныг хот та икв.

**СЕРАФИМА.** Маныр наскасыг саватахтунгкве Степановна, лекарь тит похат оли, матарын-ке агмынг тара пусмалти. Сома товлыл ялэгын тах.

**СТЕПАНОВНА.** Пора олыс — товлыл яласасум. Ань та пеныс пус катыл вос олсум.

**СЕРАФИМА.** Хунтлэн — сар, тыгле ханистыилум, Хумус нангын пумсиг олунгве... (Акван хутувясыт). Тот та восгегыт ти мус та мовинтэгыт!»

**КЛАВДИЯ.** — (Борзов нупыл). Нанг тай хотпыл ат ахвсылыхтынэн. Ман ос пилэгын, агмыл у вос емсыйт?

**БОЗРОВ.** Ат емтэгум. Емтэгум — ке нан мана савит нэ олэгын, Хоталь тотилын пусмалтилын!

**КЛАВДИЯ** Ман пуссын хунь нанг палтылын пухтэв. Периен акв хотают вос пухти.

**БОРЗОВ.** Сунсыглахтэгум — хотютын.

**КЛАВДИЯ.** Сунсынглахтэн нангки Кубанинт. тот мос малтип — нув ма оли.

**БОРЗОВ.** Ваглум кос тот малтип нув оли.

**КЛАВДИЯ.** Ос маныр туыл тит урегын? Минэн юв... Тит нанг магсылын хотюг хунь люньсюнгве пати. (сарай палыл Волобуев ос Христина ювыг). (Роба тал, сапак тал, янгктор супыл оли, Туфлял оли. Волубев парсин плащил оли. Матарент та кем та потыртэг).

**ХРИСТИНА.** Нангки ваглын, бригадир! Хотют ти ман сяр суыл вит — ке аялалыс. Тай васыг таве тосам маг пувунгкве ат веритаптилин.

**ВОЛУБЕВ.** Ам хунтлангкве — пыл ат танхегум. Нанг нэмхоталь ат минэгын, Христина!

**ХРИСТИНА.** Лавсум — минэгум!

**ВОЛУБЕВ.** Нанг хумле етс? Ам касынг эрыг хул сиинэ элумхоласум тиынг. Хумус ам нангын таратангкве вермилум! Хум махум ос мосься, хотют хул силунгкве пати? Ти хоталь та холт сярысь хум ёхталас, нётыс. Пумасип вос оли ёмас хум. Тав ань туыл ти хотал мини. Нанг ос минунгкве сёпиахтасын. Тав ам китхалыг, ул ат емтгум нангын таратангкве!

**ХРИСТИНА.** Мось эртын хул силнэ хотпа ат эрунгкве пати, нангки лавегын, нан тах автоматыл-машинал хул силунгкве патэгын.

**ВОЛУБЕВ.** Автомат тай хунь емтиэт. Аnum ань рупитан мир эри. Ти овылтахтын сатыт тыг яныг хул парса тотове. Та порат касынг хум касайел ловинтим оньсилув! Силунгкве-ке ат алимев хуланув пуссын хурмит сортыт минэгыт. (ёл люлис). Ти нанг торгамтангкве вермилын?

**ХРИСТИНА.** (ворилахтим нув). нанг ос аnumторгамтэлын, бригадир... Ам нангын патум эли палыт санаторият рупитасум. Сестраг олсум. Тот суйтал ёмас, агмынг ма-хумын — пумасипа латынгыл лававем. Ам суйтал мат олунгкве ат веритасум тыг нан палтылын та ёхтапасум...

**ВОЛУБЕВ.** Ман палтылув инг хультэгын... Тыгыл нэмхotalь ленгхын ати. Нан рупотан вагтал ойка ат ёхытхати.

**ХРИСТИНА.** Хумус вермысум, рупитасум. Васыг ат вермегум... Ам сярысит яныгмам мамт яласангкве тангхегум...

**ВОЛУБЕВ.** Мори аnum ул мангаталэлын! Мосься мажит рупитасын? Олн тортал висыт. Ат лявыльталыслум, ат саваталыслум. Такви мус олунгкве веритэн.

**ХРИСТИНА.** (ильтынг ронхим, потырти). Олн тортал висум? Ман нанг вата хум аnum олныл ёвтыслын?

**ВОЛУБЕВ.** (ос ронхим). Ам ватахум ати. Ам солвалинг хул алисълан бригадирыг олэгум! Нанг мори ул тэлгатахтыглэн! Олэгын аквмат олэн, тув ул сялтсэн.. Ань рыбкомбинатын телеграмм нангын ти вармалинг магысмыгум. (Кональ та минас).

**ХРИСТИНА.** (Юйпа ронгкит) Кай нанг радистан ам аньмунт лавсум Тав таратэ рыбкомбинатын телеграмм сирыл заявление мисум. Тан вагал ман ос тит элумхоласыт!

**ВОЛУБЕВ.** Тьфу!... Нанг хул хольт тит ласял мори сангхвен... (сарай та палын та патырас).

**СЕРАФИМА.** Тэм маныр пумась потыр. Христина, тыг ёл унтэн.

**ХРИСТИНА.** Тэм маныр.... хот акваг мори та лявшум. (Экват халын ёл та унтыс). Унлэгум кантуум мини.

**СТЕПАНОВНА.** Соль лавегум. Ам ти олнэм, ти су-нсилум, касынг-ут: Элумхолас кос уй хул аквлисыг хот ялунгкве та воратэгыт. Оо та сцена сиспалыт баян сүйт сумаласыт, кит аги частушкал та эргалтахтамен суйти). Атыр хари ленточка.

Сярысын та патыс.

Эрнэ эруултан хосан пылати  
Туп сишум сяргим та хультыс...

Пыге мосься, агит сав.

Агит тотнэ матэ-пыл ати.

Нётэн — сар ануула.

Эрнэ юрткем кинсунгкве.

(Ос баян сумалыс, хот мовинтанэл суйти, потыртэгыт — сцена нупыл ат-нэглүүсүт. Сиси минэмал суйти).

**НАСТЯ.** Ман агириянув хот та эргегыт... Баян тай конторан тотим олыс... Нэрнэ йив юнген хум атим олыс. Хотьют ос ёнги?

**СТРИЖЕНАЯ.** Сярысь хум (матрос( аньмунт ти ёхтыс.

**СТЕПАНОВНА.** Танки нанылт эргегыт, симал маныр магыс агмынг олэгыт...

**СТРИЖЕНАЯ.** Пыг тай ман соль ат оньсев. Сяр пусын акваг агит...

**КЛАВДИЯ.** Тай магыс инг эргев. Маныр номсэв.

**СЕРАФИМА.** Тав ам хум номилум агирисиг олум порат, номсэгум тонт тэг тах акваг тох та олэгум Ёмас хум перииам сома супасын пувылталыслум. Хум хурип атим олыс, сома амп олыс. Хурум тал олсумен ам юв та исум.

**СТРИЖЕНАЯ.** Юв исын туывыл...?

**СЕРАФИМА.** Тувыл мотан палт минасум, амки мань тагыл яныгмам юртанум палт. Ань тай ратэн тай ат кос ратавем, нас та рохтавем, агиум хунь оньси.

**НАСТЯ.** Рохтавен та хунтлэгын?

**СЕРАФИМА.** Ам мовинтэгум, ваглум хунь ратавем. Тав сярысит яласти, сейнерт — мотористал оли. Касынг емыт юв ёхтыкстэт, сома аргин холт кер пангкын лап харнгайтанэ... Хоталь вос консигтахтыгли. Та ма сяр лап панек оли. (катэ хосуввали). Тав амтай tot та рохтимум таквинат!

**КЛАВДИЯ.** Пангкынг ман манарайт тав ротыл вос осьвесын. Ам хум сутальпим ос тамле ти олыс.

**СТЕПАНОВНА.** Тамле ти олыс. Тувыл хоталь минас?

**КЛАВДИЯ.** Ам эртам тав намтэ сирыйт ат олсум. (Тувыл ласълаквел нув лави, ти мус Борзов нупыл сам овлыл ангкватали: (Тувыл та восъкасавесум, Кос хоталь полысь тотыглассум, акваг акв хурип та олыс.

**СЕРАФИМА.** Ух, Клава, нанг мось ти туйтыслын ос мот сирыл потыртэгын!

**КЛАВДИЯ.** Тав хум ам тавьётэ турын ёхталасум. Айнэт копипал манах сёс ратвесум. Та хольт ос такви похан минас. Амки тай ос маныр ань тав палтэ урсум, сартын хот ойонгкве?

**СТРИЖЕНАЯ.** Тав ул нанг сянягыл, асягыл ат пилсын?

**КЛАВДИЯ.** Омагумыл, атягумыл ат кос пилсум юв, ёхтунгкве. Тэн хунь аnum кетсаастэн.

**ХРИСТИНА.** Ам сотум урыл той маныр лавунгкве! Сяр веськат кос олыс. Амки хонтыглам хумим кос олыс. Тав аnum кинсунгкве ат ёхталас. Амки кит тал иявлаласум. Тувыл ат та олсумен. Тав та порсыс. (Сарай мот палыл Волубев тыгле нэглыс).

**ВОЛУБЕВ.** Экват, оли воен! Пуссын конторан минэн! (Хайтуп хосит Борзов нупыл ёми). Молямтахтэн, воен! (Рым нупыл). Астлахтэн сар нанг ос Афонасий Никифорович. Ииен сар, ловинтиянаанмен мана савит асытласын! (Борзов минунгкве емталас, тувыл Волубев похан ёл люлис). Экват нох та люльсасыт, ти мус халылт потыртэгыт. «Хоса урхатсув! Ань сёлынгыг ти емтэв. Кит сёсл вовунгкве ат эрев, акв лагыл паланув тот, акв лагыл палаанув тит». «Минэв» (Клавдия ос Христина хультиг).

**КЛАВДИЯ.** (Кат палэл Христина лувумтастэ). Нанг соль хул базаныл минэгын? Манос юв перумтахтасын?

**ХРИСТИНА.** Маныг тай ос перумтахтэгум? Пергаланунгкве ат эри!

**КЛАВДИЯ.** Акваг минэгын? Васыг тит ат хультэгын?

**ХРИСТИНА.** Лавегум — ати.

**КЛАВДИЯ.** Нанг та минэгын. Амтай олэгум эрын матьр хотпа тит хонтэгум). Аквиэт вангын нёлэ мовинтим тув пувтмастэ). Наста мовинтэгум.

**ХРИСТИНА.** Ох, тав васыг нэ хотпарись ман та! Клавдия, минимен! (Сарай сайн та патарыс).

**ВОЛУБЕВ.** (Хайтуп овылыт Рымыл пуськат ловинтэг. Тох Никифорович. Налиман нупыл хот пуська оли. Нанг ловинтанут ти хурип?)

**РЫМ.** Ам ос тох, налимэн — нупыл хот.

**ВОЛУБЕВ.** Мен ань танал таринг нарядын хансиямэн, тотнэ сирыл хансимен. Ёмимена сар. (Рым оюпынг ветрат ос олюпынг послан ут тагыл алмыс аквьет та (ёмумтасыг) қональ ёмумтасыг).

БОРЗОВ. Бригадир, хота урмыгтахтэглэн? Рым сарай тапалын та патырас).

ВОЛУБЕВ. Я, тэхам, хумле?

БОРЗОВ. Янгк пунгкуп? Христина? (тагталахтим лави) Эртам рупитынгкве ат пати. Тав соль ти сирет мини... Тувыл хул базал хот таратилын ман ати?

ВОЛУБЕВ. Таратилум ман ати. Тав тох мини.

БОРЗОВ. Немхоталь ат мини. Ам нангын нётилум.

ВОЛУБЕВ. Нанг? Хумус нанг, анум нётилын?

БОРЗОВ. Нанг сүйтэл олэн! Ам войхатэгум!

ВОЛУБЕВ. Тав та хум! Олнэ хулнэ вармаль. (Хот мувалас). А тав хумле арталахтыглэн, нётунгкве.

БОРЗОВ. Но нанг, бригадир, анум нётэн. Наскасыг ам нангын ос ат нётилум. Акв кем вос емтыс.

ВОЛУБЕВ. Ос матыр ярум? Комнат олунгкве эрмыглас? Тарапатыслум?

БОРЗОВ. Комнат—тай тувыл усь, ти сис тох олэгум. Ам овыл вармалюмт сэпанум олныл тохрегум. Торгамтаслын? Инг нётэлэн анум, олн сав вос осьсум.

ВОЛОБУЕВ. Ти сака мат тарвитынг вармаль ати, рови варунгкве. Ман бригадавн тах муйласпи емти — ам нанг магсылын мат урти ломт тох армалтэгум. Ос кос нанг тортылын матыр вармаль оли. Тувыл усь номсунгкве.

БОРЗОВ. Катын пувнэ — кем оли! Ловинтэлэн та сиркве таве та нэгсаласлумен... Сома минунгкве емталалыс хот ервлит. Ти сес инг варилум, олн магыс сар хайталэгум...

ВОЛОБУЕВ. Ну, ну... Ти вармале магыс. Тав рупота агиризов... (сарай тапылын та катырасыг). Тыгле Нечай нэглүйс). (Нечай восьрам хорпа косюмыг оли, сака систим туфлял оли. Ёмасякве нох сёпитахтим оли. Вангнэт баян).

НЕЧАЙ. (Вильтэ торыл сэсалит). Мат ёмас пуссын конторан минасyt. Ёмас нэнрнэ йив хотпа такт сяр ти хультыс «Мир магыс нанг концерт варим ялунгкве патсын? Сягылтаслын, пыгкве, командан, вайм нанг ёмас хум) катал китыг тактапалим потырти). Васынг ам маныр варегум? Агит ам палтылум ёхтысyt вангнум—баян тагасыт. Я ёнген, ёнген! Та илимтаксум. «Моряк тав пуссын ёнгунгкве хаси. Ам илямтавесум хумле вермысув та ёнгысум! (Кит-нупыл сунсыглахти). Ань ти баянал хот-

мус танки палтылан хультунгкве эри. (вортапал нупыл та минас). Сцена ёмаскем татлан хультыс. Тул сарай мот-палыл Христина Нэглыс, таквя рот хотмус эрги. Тав ёй-эли палэт Борзов ти нэглапас, илтыг та сингумтахтас).

ХРИСТИНА. (Хот та мангытахти). Катагын таратэгын!

БОРЗОВ. Тай ос манрыг таратиягум? Хонхан мен суулавсемен.

ХРИСТИНА. Ам амки олэгум! Мори хунь вората лэгум.

БОРЗОВ. Тав вармале та сирыл ос кос оли! Ам ос элумхолас номтыл кос консыгтахтыглум. Юртын уркант ос хунь хотыл ёхти...

ХРИСТИНА. Катагын! (Кантмаявес, Борзов катает та ратитэ, хот манумтахтас).

БОРЗОВ. Ман та янит суй? Нанг май нангки аквмат сёс лавсасын? Эртам хотпа вос олыс. Осам ти олэгум, Олмыгтимен аквьёт.

ХРИСТИНА. (Тав ляльтэ ёнгхыгпас, кантмим). Нанг ам хумим хот пентунгкве номылматасын?

БОРЗОВ. Тав ман нас мис хурип хумрись олыс. Ам тав кеме хунь! Нанг ань анууныл нэмхоталь ат минэгын. Авк-ёт туывил олунгкве, патимен!

ХРИСТИНА. Тав хумрись олыс? Ваглын ати тав хотют олыс... Соруме-ке эрыс, сорме палт, минас. Юртанэ лилитэ нэгылтас!

БОРЗОВ. Олнэ элмхолас. Тав ётэ маныт ат емталанэ!

ХРИСТИНА. Тав Элмхолас олыс! Нанг та похат нэ хот хулюм-покась! Мот, мот агирись, эква та нявлалэгын? (кантынгыс, унтэн!).

БОРЗОВ. Маныр наскасыг ёл унтсунгкве.

ХРИСТИНА. Унтсэн, лавегум. Ам ос унтэгум. (Кит пуська ала мус та унтсыг). Ти хурипа мань хум хумус тох элаль олэгын?

БОРЗОВ. Ам элаль олнэ вармалюв ти пуська алан ат хансим оли! Ам олнэ вармалюм магыс ул пилэн. (Сарай самыл Волобуев нэглыс).

ВОЛОБУЕВ. (Ронгхи). Матрос, сярысь хум!.. Хоталь ос минас? (Борзов ос Христина касалас). А... Ти нэн-а? Сярысь хум ат васлын-а?

БОРЗОВ. Хурмитыг ос тав тыг эри?

**ВОЛОБУЕВ.** Няврамыг нэн унлахолэн. Ануу сярысь хум эри. Сярысь хум! (Волобуев ронхим та урам хосит ёмимат Нечай юв сялтум мус акван хоясыг).

**НЕЧАЙ.** Ам ти, ти... Манырыг ануу вармаль оли?

**ВОЛОБУЕВ.** Нангын кинсим та хайтэв... Манырыг оли вингкве ат ёхтэгын?

**НЕЧАЙ.** Хайтнэ та хайтсын. Олн ос ануу манырыг?

**ВОЛОБУЕВ.** Хумус тох? Ловинтахтим вигкве-восн.

**НЕЧАЕВ.** Ам амки сэлнүтүм рупотамыл выгум. Тот ёмас титтавев. Маснут ос амки оньсегум.

**ВОЛОБУЕВ.** Нан хотал рупотан тит рупитаслын, оли вослын.

**НЕЧАЙ.** Ам ос таурыл ат номсасум. Мир ёт тот пасан ватат мольсум. Яныгман накумын номылматсум. Хуньт спарисюмын хул силунгкве ханистылвесум.

**ВОЛОБУЕВ.** Мань няврам хольт! Пайкингкве эри? Олныт ловинтавесыт манавын ойтхатунгкве эри.

**НЕЧАЙ.** Нанг культурный вармаль нётнэ магыс ловинтэн. Эрынг радио сёпитангкве эрмынгли, махманын восхунтлагыт.

**ВОЛУБЕВ.** Манавн эри, нангки катын вос висын Минимаен бухгалтер уртахи... Ам юи палумт иен!

**НЕЧАЙ.** Васыг хоталь минэгум. Тав ул ти ялэгум! (Акв юи—палт Волобуевыл сарай сайн та патыграсыг).

**БОРЗОВ.** Сунсэн сар. Ти ос та хуритэ. Олн катын атвыг!

**ХРИСТИНА.** Нанг торгныл ти ос хасьтал вармаль?

**БОРЗОВ.** Ам номсэгум тэл тав матыр хум та. Насати тав ос туп ти мис хольт нёвси. Амки алмаянуванум тэлэт парнув! (Эсыгхатим). Ам там магыс ти нанг ётым войхатасум!... хоталь тагматэгын-ке нас манумтилум.

**ХРИСТИНА:** Ам хот наглым матыр оньсегум?

**БОРЗОВ.** Мен тах нанг етын та савит оли атимен, сберкассат палт книжкат тах ат товылхатэгыт.

**ХРИСТИНА.** Нанг номнутын — та одн. Ануу китыглассын ман ати, оли эри ануу ман ати?

**БОРЗОВ.** Там ат ваглум, нангыт, эри ман ати. Хумус нанг акв сирыл олэгын?...

**ХРИСТИНА.** (Кантингысь нох люлюмтас). Вот ос лавегум ман акв хурипат! Тит ти сунсэлэн! (Пунгкатаанэ похан вотумтасанэ сильглим пайтэ, такталит). Ам ти посум пуссын ваве!

**БОРЗОВ.** Ти лавегум акв пета ти хунь! Нангки ти такталилын воим та сирыл-ке сав хумн сусвес! (Нох люлис).

**ХРИСТИНА.** Сав хумн сусвес! А акв хумн сусвес, ам тав урет лавегум... (Борзов палт лаквунгкве патыс. Тав ос тавел сис лакви. Парт хайтуп овыл мус) Та сунсум хум нангыныл номтынг олыс... Нанг хольтылын тав экват ат ловинтас Тав мир ёт потыртас касынг хотал, ловинтас: лекцият, мир олупсат магыс, аква китыгкем вораталыс, пуссын нявлышанум.

**БОРЗОВ.** Нанг анум тай ат нявлышын! (Ос ляпан ворати, синыхтахтунгкве) Ам нангын постыслум нэгыг инг емтэгын.

**ХРИСТИНА.** Ам нанг нуплын сунсунгкве ат тангхегум. (Усьпылнэг ляпан лакваситэ). Нанг нангки похан тах минэгын. Ну...

**БОРЗОВ.** Маныр-ну? Лавегум — потыртахтимен... Хулилын! (Та эрумт Христина туясавес, хайтуп ёлаль пайтэ мус витн нас томрatalme суйти).

**ХРИСТИНА.** Та потыртахтасамен алам! (Та регет та ловинти, ти мус хайтуп ёлаль сунси) Эрынг нанг уюнгкве пыл ат хассын, ань ханисътахтэн уюнгкве. Асирманг витын мось тэлыхгламсамагын вос нэгылтавег. Посынг хотал, матэ тамле утытын та олаве! (Сохтыл варилах тыс сис та ёнгхыпас). Сярысь ватал хоталэ эти пала нупыл патыс. Унтнэ хотал посэ харыглас, сатумин) нув. Сарай овьлын тыгле Нечай нэглапас. Христина палт ёхтыс.

**НЕЧАЙ.** Хотал унтуум сунсэгын? Ат торастилум?

**ХРИСТИНА** (Тав нуплэ ёнгыгпас). А ос аква... конторат олсын? Олн висын?

**НЕЧАЙ.** (Рохтим нув) Олсум висанум.

**ХРИСТИНА.** Тара послунгкве нэпакал висын?

**НЕЧАЙ** — ат торгамтилум. Маныр сир тара посын нэпакал?

**ХРИСТИНА.** Конторат ти пормас тай сав, нанг сярысь хумн тал сака эри. Сярысь хотпат касынг усн пухталан мананылт танки нанилн нэ хонтэгыт. Вот тувыл хунь та пухтан мат похан минэгыт. Таринг ос та тара посын сэмүл нэпак акв лопыс ёйтэгыт. Нан та савит нэ атэгын, касынг утал палыт хансунгкве еранын ат ёхтэгыт. Тувыл сэмүл нэпак тора пуссын акв торыг та хансиянын.

**НЕЧАЙ.** Тав сав сирыл олыгли. Мир хунь наскасыг лавегыт, хунь акв амп хумус хортумти, мотаныт ос та сирыл хортэгыт.

**ХРИСТИНА.** Ильпи (адрес) олнэ ман тит ань ос катын ул паттысын?

**НЕЧАЙ.** Ман сярысит та сирыл ат ханисьставев. Ам нан палтылын та номтыл хунь ёхталасум.

**ХРИСТИНА.** Ос туыл манрыг?

**НЕЧАЙ.** Нанг ти парт овылыт молькент, сама халэв хурипа. Супын такем — та янгк. Аквтук мат ти сярисын тиламлэгын...

**ХРИСТИНА.** Халэв хурипа? (хот мувалас). Ам ваглум, аман халэв хурипа... эрынг ос акв хумин хольт нэ потыр овыл выгын? тай ам кантмаявем нанг ос тыгыл хоталь тахегын. Ам мат халэв хунь, нанг анум халэвыг патильян.

**НЕЧАЙ.** Манрыг тох кантлэгын? Туыл мовинтэгын.

**ХРИСТИНА.** Хурмит талум ти тосам мат олнэм... Сярысын минунгкве, сяр сака тангхегум. Мань тагыл витыт яныгмасув.

**НЕЧАЙ.** Ти ам ваглум, агиянын нанг урынт сакса сав потыртасыт.

**ХРИСТИНА.** Тангхегум тув хот хул алаве. Та хул алнэ мат ойкам порсыс. Номсэгум, посум сюртунгкве сейнерын вивем. Тан ам толгын мат тортал вермегум. Эква ат хунь толгыглали.

**НЕЧАЙ.** Ти ам ваглум, номсэгум, Тав мат посум ат хунь сюртыглали. Тав элмхолас маныр рупотан войхати, та рупота пусесып верми. Рупота тал маныр вармаль хунь олыглалыс. Пуссын кос тарвитынг емтали. (Христина тав ляльтэ та сунси, туыл илтыг та мовалас). Нечай, манрыг мовинтэгын?

**ХРИСТИНА.** Номылматаслум. Нанг алпыл хумус ак мань супыл пис хул силнэ пасанын хайтсын.. Молях — нув, касай палыт та консалтахтасын! Акв туп мат осалм няврам.

**НЕЧАЙ.** Васыг ам маныр варегум. Арыг роба бригадир ат онъяс... Омамн онъсим тагланумыт тох та рупитасум.

**ХРИСТИНА.** Нанг усьлахтын хоталын тох и минас.

**НЕЧАЙ.** Тав наскасыт хунь кос минас. Хумус май рупитасум. Туыл ваглын, ман усьлахтим хоталанув хумус хультиянув? Сасын ёмыт, хунь кораблюв акв мат унли ман та сис пуйын яласэв. Пумась туыл хот ат олыгласын, та мат сунсыглангкве... Маныр ма пуссын аглимилын сун сунгкве.

**ХРИСТИНА.** Тован та халт нэ сунсыгли.

**НЕЧАЙ.** Тав акв хурип ут хунь оли. Мат ёт хунь то-тиял. налув корабльн-ке нэгылтиял. Китыглает ти манрыг нэгум парсан? Тувыл хоталь тотилын? Паг та мини.

**ХРИСТИНА.** Ваглум. Тувыл та нэ тай таймэт та но-мси!

**НЕЧА-**. Ваим номси. Ам тай магыс ти номсэгум та нув усн пухтынэв мат оли. Номсэгум, хультунгкве — Яко-рюм тув акваг воськасилум.

**ХРИСТИНА.** Тэм нанг тай воськасан хурип пумась хум.... олэн.... (Кит минут сис). Манах потыр, мовинт кит минут сис олыс.

**НЕЧАЙ.** Нанг анум ул эсгелын? Сярысь хумит эс-гункве-ке патавет мори тэлыглэгыт. Сярысь витын тэлыг лэгыт васыг паг-пыл ат хонхатыглогыт.

**ХРИСТИНА.** Ам нас лавегум. Ам овлэт нанг кантлы-сум. Таи магыс номтынглюль ул вос оли. Кантмалталве-сум... Тит акв мори мат хум исхорись ам ётум сингата-хтыглангкве воратас... Анум хот торум сам потрыл тэлыг-тангкве емталастэ. Нанг тувыл хунь ти хул базалныл ми-нунгкве номсэгын?

**НЕЧАЙ.** Хус ноль ноль сёс порат шлюпка паг ёхтали, тотовев. Сома манав самыл палил оньсит.

**ХРИСТИНА.** Ам нанг миннэ ман ос налув сунсугкве ялэгум. Ам ань ялэгум, саль пунгкумын пинэгум, Туп-нанг ам налув ёхталум ул минэн! (Сарай сайн та минас) Ма лагытын нох ти нэглыс Борзов — сяр янитэт витыл ёлаль ранятам парсин рупотнал курысти. (Сарай сайныл Клавдия тыгле нэглалас Нечай касалас акв тув ювле ха-сумтахтас).

**БОРЗОВ.** (Ма тармыл унтыс сопакаге хот ангхвыс tot ta пасъралахти). Тэм ти — маныр наскасыг тох варвес-ум? Ам-ки ос акв тох, хоталь парт ёрын лолегум. Аквтум мат сам ат оньсегум...

**НЕЧАЙ.** (Тав ляльте ёнгхыпас). Нанг манрыг ляйтэ-гын, хумле ёмтсын? Хонгхан витн паталавесын?

**БОРЗОВ** А ти нанг-а сярысь хум? Ам витн рагатам-сум.

НЕЧАЙ. Рагатангкве тай хоса ати. Сакати нанг солвалынг сярысь витын пувлысын. (Акв хумит налум ми-нас). Ахвасалахтунгкве нётилум?

БОРЗОВ. Тэм, ам амки(ти мус акв хумит ляльт сунси). Ам номсыкемт нанг ти олнанын вингкве ат тахсын?

НЕЧАЙ. Ат кос тахсум. Сака мат олн ярум ат тот эгум.

БОРЗОВ. Нангын ат-ке эрегын... анум маена?

НЕЧАЙ. Воен, мыганум.

БОРЗОВ. Тав ам мак вовиянум. Нангын ат-ке эрегын соль маен... Анум касынг копейка эри.

НЕЧАЙ. Тав маныр потыртангкве. (сепельныл олнам кон лэвматсанэ). Тити воен — пуссын ти., ам танал ат ловинтасанум.

БОРЗОВ. (Олныт кат кивырын висанэ). Ти соль!... Макыг нангын ловинтамум, нанг олнанын тах анум мыганын, ам олн панкам тагиньтаптэгум!

НЕЧАЙ. Ёмас, ёмас! Вос панкан ам нётмилум ос тагиньти. Хул планке яныг олн панкал молях тагиньти. Тит хул алисъман хумыг олэгын?

БОРЗОВ. Ам тит сака мат хоса олунгкве ат номсэгум. Олн товылхатнэкем атэгум ос тама самын, сярысь самын минэгум.

НЕЧАЙ. Мот ма сам, сярысь сам? Матэ ман мот хурипа?

БОРЗОВ. Сэмыл сярысь тав ос такви хурипа. (Нох люлис) Нанг хот ати олыгламын ти хурипа... Ам нангын потыртэгум... Ам хунь тыгле имумыт поздыт акв нэ хойтыгласум. Та хольт та ко сам ам номтумыт олыс. Ам ань савнув олн атэгум — тувлыл... Сочин, ман ос хот кол ёвтэгум. Тувыл аквман комнат этпос емыт усьлахтэгум экватын олнунгкве майлилум. Тамле эква тот миллион, сяр сома порылпан экват хольт нас нянгалалэгыт! Тот танётал туп поваралэн-нэ тал хум, маныр лавунгкве, потыр ати! Ам танал касынг хотал сома вовнэ сирыл оньсюнгкве патиянум.

НЕЧАЙ. Тав тэм нанг, Тэхам, потранын тай сяр хот морит ти. Хот сяр акванг номт паттал сирыл мори потыртэгын...

**БОРЗОВ.** Ам мори хунь потыртэгум. Нанг нангки ваглын. Экват tot хотал вит ватат поваралэгыт... Та реганылт эти палаг та масапахтэгтиквунгкве, тэрсунгкве. Хот тан ётал этэ хотланэг tot та тэрамэгын... Хунь тит агит холт хул солвалтан парсин сахим олэгыт!

**НЕЧАЙ.** Нанг аман хот ёл ойвесын, аман ос улмасгын? Манырсир ман нанг тамле элумхолас? Нас пес пора потрын потыртэгын, ман ос элаль олнэ потрын, тамле-та оли?

**БОРЗОВ.** Хумус тит мана пора потрум! Торум олаве олн ёт ос экват ёт сингатахтыглим. Ос элаль та сирыл олунгкве патаве!

**НЕЧАЙ.** Нанг элмхолас номтыл олэгын ман ати?

**БОРЗОВ.** Мак олэгум. Ваглум, торгамтилум хумус олэгум.

**НЕЧАЙ.** Нанг туывл — намын маныр?

**БОРЗОВ.** Борзов Егор. Салынг патум оньсем хуримт ти олэгум.

**НЕЧАЙ.** Хунтлэн, Егор Борзов. Ам нангын сир мус лавегум — олнэл нанг пори мот ленгх хосит минэгын. Сир мус олупсан номылматэн. Атинг матыр наканын сипын патэгын...

**БОРЗОВ.** Хотют пувинталэгын, мат посын tot хунь хульти торгамтаслын? Ам ань тит аква оньсегум.. Пунгктал, нёгтал. Китхал олнэ мат акварись нёлэ торыг сярысьн та ворати. Потыртангкве at хунтли... Ам ань на-нгын хот пувилум, ёрыл пувилум.

**НЕЧАЙ.** Нанг ти хонгха урыл тох? Нанг эрынг ань та — эква урыл... тох?

**БОРЗОВ.** Ам ань таве сома ёл нэгилум. Сома тув — нуват тарматилум!

**НЕЧАЙ.** Покась! (Ели) палыл нонгхаль энгынт та юнгастэ. Борзов, хони та рагатас сэй тармыл патыс, секунда саваит хуяс, нох та саким, ронгхит пал юв).

**БОРЗОВ.** Тох, сярысь хум... Нангки сав номт оньсегын? Сяхниягын та каменьт. Ам сяхниягум — нангыныл торытынгыл. Ань арталиягын!

**НЕЧАЙ.** Тэм астал хот олнэ... Сансагын унтэн. Хули-лын! (Борзов пувистэ, пунгке парсин сахи маглен ёлаль понигастэ, хоми та воськасастэ). Ам нангын кер сайг

хольт пасъралангкве вермилум. Ам нанг магсылын касна-колн ул вос унцум. Ам тох оли тах маҳманумн лавегум, тах та лявыльтавем. — (Борзов хот тартыстэ). Ам ваглум ань маҳманум манарыг лававем. Ти капиталистат номтыл олнэ хум магыс. Тавен нэ вос аги, номнутэ та ос олн вос олыс. (Сарай талалын та минас).

БОРЗОВ. (Тав нупылэ ёнгыгпас). Ул минэн сар... Манырг ос маҳманын лавегум? Ти менки халмен) вд) вармаль. Маныр мотаныт тыг пэрүнгкве.

КЛАВДИЯ. (Ласьлаквег сарай сайныл нэглыс) Сярысь хум тай хунь косма маҳумн лави.

БОРЗОВ. Сунсэн сар! Нанг ос тит хотыл ёхтысын?

КЛАВДИЯ. Нанг эй — палыт... (Хот моньсяктахтас). Аман пентвесум, аман хотамус, амки та лавсум. Арыгтаптыслын кос, ам симум инг нанг нуплын сака тарвиғынг....

БОРЗОВ. Ам таве хумус кунямытилум? Ти хотел ам нанг ётын олсум, холит мотан. (Ляпанув усувлас).

КЛАВДИЯ. (Катаге ляльт таутанас) Ляпа ул иен! Ам веськатум магье каснэ колныл ат пилэгум! Ам нангын пурыйгласлум, маньгталыслум. Сяр сам тапамын паратахтэн. Олн киснэ хум, экват арталанэ хум! Тьфу! (илтыл Борзов самыл хальт полхыл та салыгмастэ). Нанг хурип ти! (Та ояс сарай таналын Рым тара, Рым тай та сунеи).

БОРЗОВ. (Рохтим) .Ти маныр — ведьма? (Ти мус найтэ сэги). Тэм ти хотел тай акваг та саватавесум. Сяр аквалаг хурум сёс хайтум талвесум). (Зрительный зал ляльт сунси). Ти маныр сир ман тамле элмхоласыт? Ань тиин ос тах ти потыр павыл янитыл та тарамтаве... Сяр акваг хот тах та эсамсавем? Хоталь минэтсум?..

РЫМ. (Тав таратэ ёми, вангнэт няс сайыт оньси, альпал катэт панка хусап оньси, ёл люлис). Тэхам, номсаҳтэн хоталь минунгкве... Анумыныт лавегын, лагыл нэрмила-нын сярысът солвалынг витыл ловтиянын ань янитынг та ловтвесин ос ратылтахтасын... (Хайтуп ёлаль та, патырас).

БОРЗОВ. Ювле нэмхотум ат лавыс, сопакале вис, хот мот лёнгх нупыл сил лагит хосит та минас. Палумыт сярысът катер иснаасыт найыл та пеламласыт. Сатапас—. Налумт хот мотор кургынэт сарай мот палыг сутий. Нечай ос Христина хайтуп хосит нэглысът.

**ХРИСТИНА.** Ти юв, сяр мак алимасын.

**НЕЧАЙ.** (Сёсэ ляльт ангкватали). Ноль, ноль хус сёс.

**ХРИСТИНА.** Вот нанг усьлахтан хоталын та астыс.

**НЕЧАЙ.** Астыс-кос, ам ти ма номунгкве патилум.

**ХРИСТИНА.** Манрыг, ос ти хул база пумась сяр ат оньси.

**НЕЧАЙ.** Тав и ти мат элмхоласын олаве.

**ХРИСТИНА.** Ань нанг хоталь нупыл минэгын?

**НЕЧАЙ.** Ман рыбкомбинатыныл астим продукцият выгунгкве патэв. Тыгыл тии яныг олнэ ман ос. Владивосток — усн тотунгкве патэв.

**ХРИСТИНА.** Ман тит хумус олэв тан сунгыглын. Ань тах олнэн палитыл тыг ёхталамын номилын.

**НЕЧАЙ.** Помунгкве патимум. Туп письмат хансунгкве ам ат патэгум. Нэмхуньт ат патэгум! Махманум тай соль това хансэгыт.

**ХРИСТИНА.** Тох та олунгкве эри, ат хансим хотпа ат лапалэгын.

**НЕЧАЙ.** Нанг соль лавегын. Мотор суй та пойтыс, пат та пухтысыт. Ос ёмас улум олэн Христина Васильевна!

**ХРИСТИНА.** Ос ёмас улум, Борис Николаевич! Пус лёнгх яласэн! (Нечай хайтуп ёлаль та патырас, акваг хосан та патнэт мотор суй сүйти).

**ХРИСТИНА.** Та минас... Мот хотел ам ос минэгум! (Сярысь ляльт сунсыс, сунсыс, сиси ёнгынпас мир ляльт зрительный) суснэ зал, залн).

Матыр латынг кетунгкве номсэгына... (мовинти). Ул кетэн! Сярысь мир такви лаква тотыглиянэ, такви акван totиянэ. Матыр кинсунгкве-ке патэгын сиси вотын акваг нётавен. (Зрительный — суснэ зал ляльт). Махум! Ам олунгкве усьти овылтахтасум. Лавен, ам сиси вотын сохыт лёнгх хосит вос товавем. Нэмхот ам олупсам мори Ул вос тэлгаталитэ! Ам номсэгум, нан лавегын!

Пумасипа тинынг махманув!

(Оигпас).

